

93003



930030

S

SUPERVISOR'S USE ONLY

OUTSTANDING SCHOLARSHIP EXEMPLAR



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

Scholarship – Te Hiranga 2015 Te Reo Māori

9.30 a.m. Rāhina 9 o te Whiringa-ā-Rangi 2015

Te wā: E toru haora

Te Tāpeke: 24

Tirohia mēnā e rite ana te Tau Ākonga ā-Motu (NSN) kei runga i tō pukapuka whakauru ki te tau o runga ake o tēnei whārangi.

E RUA ngā wāhanga o tēnei whakamātautau. Whakautua ngā pātai KATOA ki ngā wāhi wātea kua whakaritea.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mēnā e tika ana te raupapatanga o ngā whārangi 2–16, kei roto i tēnei pukapuka, ka mutu, kāore tētahi o aua whārangi i te takoto kau.

HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.

HE KUPU WHAKATAKI

Tēnā koe kua uru mai nei ki te whakamātautau a Te Hiranga o Te Reo Māori mō tēnei tau. He whakamātautau mā te tauira e ako ana i te reo Māori, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me kaha mai te ākongā ki te:

- tātari, te arohaehae rānei i ngā kaupapa
- whakaputa whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga.

Nā reira:

- āta pānuihia ngā kōrero tohutohu i mua i te mahi
- kia kaha mai ki te whakaoti i ngā pātai katoa
- me reo Māori ngā whakautu katoa
- e rima meneti ki te āta pānui i te whakamātautau katoa.

Ko te reo kia tika, ko te reo kia rere, ko te reo kia Māori!

TE WĀHANGA TUATAHI: HE PĀNUI – HE TUHITUHI

TŪMAHI TUATAHI: HE PĀNUI (60 meneti)

Panuihia te tuhinga nei: *Manahi, Haane Te Rauawa.*

Kimihia ngā rerenga kōrero ōrite nō roto i te tuhinga, ā, tuhia ki te wāhi kua whakaritea.

TŪMAHI TUARUA: HE TUHITUHI (60 meneti)

Whiringia tētahi kaupapa hei tuhinga roa māu, ā, kaua e iti iho i te 500 kupu.

TŪMAHI TUATAHI: HE PĀNUI, ME TE KIMI I NGĀ KUPU ŌRITE – HE MAHI AROĀ

Ngā tohutohu

Panuihia te tuhinga nei: *Manahi, Haane Te Rauawa*.

Manahi, Haane Te Rauawa (1913–1986)

Ngā Tāngata Taumata Rau

Nō Te Arawa; nō Ngāti Raukawa, he ihu oneone, he hōia, he kāmura, he kairūri waka.

Nō te 28 o Hepetema o te tau 1913 whānau ai a Haane Te Rauawa Manahi i Ōhinemutu i Rotorua, ko ia nei te pōtiki o ngā tama a Neti Mariana Insley rāua ko tana hoa tāne, ko Manahi Ngākahawai Te Rauawa. He kāwai Kotimana nei tō tōna whaea, ā, nō Te Arawa mai hoki ia. He pānga anō hoki tō tōna pāpā ki a Ngāti Raukawa, ā, nō Te Arawa anō hoki ia. I kuraina a Haane, arā, he mea karanga kē ia e ana hoa ko Jack, ki te kura tuarua o Rotorua (Rotorua High School). Nō te mutunga o tana kura, i uru atu ia ki roto i ngā rōpu mahi rori, mahi atu anō hoki i runga i ngā whenua Māori, he ahu whenua pāmu nei te kaupapa. I tua atu i tēnā he āwhina anō tana mahi i tana matua kēkē ki te taha o tōna pāpā, i Matiu, i tana nei mahi papa rākau, hanga whare hoki. Nōna e taitama ana i hira ai tōna pai hei kaitākaro: he tino toa kē nei a Manahi ki te kauhoe, ā, ka rawe kē nei ki a ia ngā tākaro nei, te whutupaoro, te kaipara me te mekemeke. Tino hiahia anō hoki ia ki ngā mahi mai o waho, pēraka i te hī taraute, ā, he māhorahora noa ki a ia te mahi whakangau.

Nō muri tonu o te pakarutanga mai o te Pakanga Tuarua o te Ao i uru atu ai a Manahi ki te Ope Taua 28 (Māori) o Aotearoa [28th New Zealand (Māori) Battalion], arā, ki te hokowhitu Māori. I mua i tōna haerenga ki tāwāhi, ka moea e ia a Rangiawatea Te Kiri i Rotorua i te 24 o Hānuere o te tau 1940. I ngā whenua o Kariki (Greece), o Kariti (Crete) me Āwherika ki te Raki a ia e whawhai ana. I a ia i te pakanga i Āwherika ki te Raki, i tino kitea anō ōna kaha o te tino toa tino kaiārahi hoki.

Ko ia tētehi o te paratunu o te hokowhitu Māori, he mea whakahau nei i Āperira o te tau 1943 kia pāhoru, mau rawa i a rātou te tohu whenua nei a Takrouna, inarā, he tāmōre tokatoka, tūparipari nei, tata atu ki te kotahi mano putu te teitei ake i ētehi putunga uru ōriwa i raro ake. Toru rau ngā hōia Itāriana, Tiamana hoki e puri ana i te whakatāiri nei, ā, ka kino kē hoki tā rātau aneatanga i te ope taua o te Kotahitanga e kōkirikiri atu ana. Nā te kaha o te karawhiu mai o ngā pū mōta me ngā pū paku nei i tino uaua mōrearea ai tā rātau mahi, ā, nō muri mai i te tukunga tuatahitanga i te ata o te 20 o Āperira, tekau tāngata noa te toenga ake o te paratunu a Manahi, toru tekau kē pea tō rātau nui i te tīmatanga. Kātahi ka ārahi haeretia ake e Manahi, he rōpū, tokotoru nei ngā tāngata, mā te taha uru o te keokeo rā e piki atu ai. E āhei ai rātau ki te tae atu ki te wāhi nei, e rima rau putu te pikinga atu. Otirā, he tūmāhoehoe tonu atu nei te rua tekau putu ka eke atu ai. Poto noa ana te pakanga atu, whakahauraro mai ana te hoariri, e ono tekau nei tō rātau nui. Nō te taenga atu o te toenga mai o tō rātau paratunu, i mau tūturu ai te tāmōre nei.

Kāti, ko te takiwā nei i a rātau ka kino kē te karawhiua mai e ngā matā waipū a te hoariri, inā kē tō rātau nui, e mau tonu mai ana i a rātau ngā tauheke o te raki me ērā o te uru, tae atu ki te kāinga anō hoki o Takrouna. I te hinganga o tōna āpiha ngārahu, riro ana i a Manahi te whakahaere o te paratunu. I mau tonu te takiwā nei i a rātau ko āna tāngata, ā, nō te pau

haeretanga o ngā hāmanu me ngā ō, ko tana hokinga atu tēnā ko tana kotahi ki te papa ake o tōna ope taua, tiki putunga, tāngata anō māna. Kāore i mutu te kaha o te karawhiu mai o ngā taipara a te hoariri i a ia e haere atu ana, e hoki mai ana. Nō te ahiahi i whana whakairi ai te tinitini o te hoariri, kaupeka mai anō hoki ētehi. Ahakoa te hāngai tonu atu nei ki te pakū mai o te pohū me ngā pū itiiti, riro ana nā Manahi tonu i hautū te kōkiri atu o āna tāngata i te hoariri, ā, i te mutunga iho o tā rātau whawhai muha ā ringa atu nei, pareā atu ana e rātau te hoariri. Kāore i roa i muri mai, whakahirahiraia ana te rōpū o Manahi.

Nō te ata o te 21 o Āperira i whai tūranga ake anō te hoariri, ā, ahakoa te pūhia tonutia mai o ngā motā me ngā pū mīhini, riro ana i a Manahi te whakahaere o tētehi o ngā rōpū e rua, he mea tuki, pana tonu atu nei e rātau te hoariri. I te ahiahi pō, nōna tonu te whakaaro, i haria e ia he ope iti huri atu ai mā te taha whakarua o te tohu whenua nei, ā, nā te taumauri me te manawanui, mau ana i a rātau ngā putānga pū mīhini, putānga motā hoki. He aumangea nō te kōkiri atu i pau ai te kaha o te hoariri ki te wawao tonu, ā, pāhorō ana te katoa o Takrouna, āpiti atu ki ngā mau herehere, 300 te nui, me ētehi pū kūpara rahi nei.

I te pakanga o Takrouna, tino kitea ai te kaha o te kakari, te toa takitahi o ngā hōia, ka waiho ai hei mea whakawehiwehi mai me ērā katoa o te ope matua. Nō muri i te pakanga i tūtuhia ai a Manahi ki te Rīpeka Wikitōria (Victoria Cross), engari whakawhiwhia kētia ana a ia ki te tohu toa DCM (Distinguished Conduct Medal). Nō te marama o Hūrae i te tau 1943 i hoki mai ai a Manahi ki Aotearoa. [Taihoa ake rā, i kahurangitia a ia, inarā ka pōwhiritia nei ia e te kāwanatanga kia haere atu ki Rānana (London) mō te hīkoi whakatūtū wikitōria, ka mutu nei te pakanga.]

I tana hokinga mai, i uru atu a Manahi ki tētehi wānanga kāmura, he kaupapa tautoko nei nā te kāwanatanga hei whakanohonoho hōia, i Rotorua. Nō muri mai i whiwhi mahi ia i te hōhipera o Rotorua. Taihoa ake nei uru atu a ia ki te Tari mō ngā Mahi Nunui (Ministry of Works), he kairūri waka nei te mahi.

I ngā tau o muri o te pakanga i pūmau tonu te hiahia o Manahi ki te tākaro kauhoe, ā, e hia kē nei ngā kaihoe o Rotorua, i whakakite nei i ō rātau pūkengatanga i riro nāna i ako. He mema tūāpapa anō hoki a Manahi nō te karapu korowhao Springfield (Springfield Golf Club), me te kaiwhakaruruhau hoki mō te karapu mō ngā tāngata hī ika o Rotomahana (Rotomahana Anglers Club). Nō te matenga atu o tana wahine i te tau 1976, i nuku atu ai a Manahi ki Maketū i Te Moana-a-Toi-te-huatahi (Bay of Plenty). Nō te 29 o Maehe i te tau 1986 i mate aitūa ai a Haane Manahi i te motokā i te rohe o Te Puke. He mea tāpuke a ia i te urupā o tōna marae i Ōhinemutu i Rotorua, ā, tokorua āna tama i mahue mai i a ia. I te tau 1999 e haere tonu ana te mahi ki te whakakapi atu i te tohu DCM o Manahi ki te tohu VC.

TŪMAHI TUATAHI: HE PĀNUI AROĀ, HE KIMI I NGĀ KUPU ŌRITE

Tuhia ngā rerenga kōrero ōrite mō ngā rerenga e whai ake nei:

1. he pukumahi,
he ihu oneone.
2. I a ia e taikaha ana i puta tōna toa ki ngā mahi a Rēhia
Nōna e taitana ana i hira ai tōna pai hei kaitakaro.
3. I ngā pakanga ki Awherika ki te Raki, mārakerake ana te kite i tōna pakari aumangea nei, kaitātaki hoki
I a ia i te pakanga i Awherika ki te raki, i tino kitea anō tōna kaha o te tino toa tino kaiarahi hoki.
4. Ka kaha te karawhiu mai me te haukere o te kapa o te Kotahitanga e kakari atu ana.
Ka kino kē^{hoki} tā rātou aneatanga i te ope taua o te Kotahitanga e kōkirikiri atu ana.
5. Heoi anō, ko te wāhi i reira rātou ka pokea mai ki ngā pū matā hīrere a te hoariri
Kātī, ko te takiwā nei i a rātou ka kino kē te karawhiu mai e ngā matā waipū a te hoariri.
6. Ahakoa te wepu mai o ngā matā a te hoariri ki a ia, kotahi mai, ka hoki anō.
Kāore i muti te kaha o te karawhiu mai o ngā taipara a te hoariri i a ia e haere atu ana, e hoki mai ana.
7. He kaioraora nō rātou te whakatumatuma atu i kaha ngoikore ai te hoariri ki te whakapākati
He aumangea nō te kōkiri atu i pae ai te kaha o te hoariri ki te wawao tonu.
8. mahea ana te kite i te aukaha o nga kotuku rerenga tahi
tino kitea ai te kaha o te kakari, te toa takitahi
9. Ka roa te wā, ka manawanui tonu a Manahi ki ngā mahi kauhoe
I ngā tau o muri o te pakanga i pūmau tonu te hiahia o Manahi ki te tākaro kauhoe
10. Ka tanumia ki te rua kōiwi ki ...
He mea tāpuke a ia i te urupā.

TĀ TE KAI-
AROMATAWAI
MAHI ANAKE

10

TŪMAHI TUARUA: HE TUHITUHI

Ngā tohutohu

Whiriwhiria mai kia KOTAHI te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:


- te tika o te whakatakoto, te ūpoko, te tinana, te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, te whakapuaki whakaaro
- ki te whakauru mai i ngā whakataukī, i ngā whakatau-ā-kī, i ngā kīwaha, i ngā rarangi waiata, haka rānei e hāngai ana ki tō kaupapa hei whakanikoniko i tāu tuhinga roa
- kia auaha te rautaki, kia Māori te wairua
- kaua e iti iho i te 500 kupu.

Anei ngā kaupapa tuhinga.

1. Ka maumahara tonu tātou.
2. Whakahokia mai ngā tikanga taumou, hei rongoā i te riri.
3. Ka noho au ka tautoko i tā Apirana Ngata ki te tuku i te iwi Māori o tērā wā ki te pakanga nā te mea ...
4. Ka noho au ka tautoko i te whakahē a Te Rua Kēnana ki te tuku i te iwi Māori ki te pakanga nā te mea ...

Mahere whakaaro mō te Tūmahi Tuarua

Whakaraupapa haere ō whakaaro ki konei.



Kei hea/Āhea?

- Pukehinahina
- Te Ranga
-

- Tiamana

He aha te tino kaupapa?

- Kia mahara ki ngā whaiwhainga a rātou mā.
- Kua e waitohu hei hārore rangitahi
- ~~Te~~ Te maharatanga o enei rā,
 - 150 Pukehinahina
 - ANZAC

Mahere whakaaro mō te Tūmahi Tuarua

Ko wai ngā tangata?

- Kereti & te Turupa
- Hēni te kīri karamu
- Ngā atua

1) ~~Hunga mate~~2) ~~Pakanga~~

He aha ngā mahi?

~~Pakanga ā-ao~~~~Pakanga whenua~~~~Kia tika te maumahara ki ngā rātau~~3) ~~Whakakapi~~

He aha ngā rerenga tika, ngā kīwaha, ngā whakataukī, ngā whakatau-ā-kī, me ngā kupu tika?

- E kore rātau e korohoketia.... ✓
- Kua e waiho hei harore rangitahi. ✗ ✓
- rātau taua
- kei tua o kapenga
- he whenua marae

Tuhia tāu tuhinga ōkawa mō te Tūmahi Tuarua ki konei.

TĀ TE KAI-
AROMATAWAI
MAHI ANAKE

Kaupapa: Ka mau mahara tonu tātou.

"Tākirī ko te ata he tūnga no te nakaū, tāku tirofiro noa, i waenga i te hono ka ngaro koutou, haere rā e pā mā, ki te riri horahora i te waka e tau nei. Rongo whakariharika te hoki mai ki ahau, tārūnatia ki te muka tū ao kia pai atu koe, te haere ki raro rā."

Nā reira kāere te ngunguru a pā mā, whakangaro te ngūha a kui mā, moe mai e te hoto o te ririki, whakangaro ki te pō te tangi a kiwi e.

Tau mai ana te pō, he mangu, he kore. Mirumiru ana te pikōkō a Tane ki te whatao, ki te ao marama. Pōpū ana te riri o roto i a Tawhiri, me he hau marangai. Nā kōna te okonga tuatahi o te riri.

Kite kehokeho ana i te riri puta noa i te ao, koia i timata ai te pakanga, koia i tawharautia ai ngā riri horahora, koia i takinā ai ngā kaioaraa a te tane, a te wahine, koia ko tēnei mea te pakanga.

"E kore rātou e korohaketia, pēnei i a tātou kua mahue nei, e kore hoki e ngaikore, Ahakoa pēhea i ngā ahuatanga o te wā. I te hekenga o te rā, tae noa ki te aranga, ka mau mahara tonu tātou kia rōtou, kei warewaretia."

Inā te pūkuriiri a te tangata kia kōkiritia kō te pākanga o te ao. Engari (~~hā~~) nā te pono a te iwi Māori rātou e' whai ai ngā hūtohu a Tā Apirana Ngata.

Ahakoa te pāorooro mai a hewaru i a rātou e iwehe ana ka pūmau tonu ki te (~~hūtohu~~ ^{hūtohu}) e hoki mai ana rātou ki te tainga. Kia mau kia pono ki a rātou mahi hei oranga mo ngā uri; ā, koia mātou e mahara ana, Kia kua rātou e koreheke 'kia kua rātou e warewaretia. He kua no te waka, no te iwi.

"Ka hore te pā, kahore! Ka (~~hore~~) hore te pā, kahore! Tēnei te ngarara kopae ana mai e. Ko Ranginui, ko Rangihouhiri, ko Pukanga (~~hore~~) iahaka, ko Waitaha ko te ara mai ki ahau (~~hore~~) e. Ka tohe au, ka tohe (~~hore~~) au, ka tohe au ki te tiriti o Waitangi, ki te nana motuhake o āku tupuna e, ka tū te ihi, ka tū te wana. Pukehinahina, Pukerohutu, te Pātūiri e!"

Nā te kingi te kōrero kia whawhai ^{mo te whenua,} ~~mo te whenua,~~ nā te iwi te whakaae, ~~he tātai tangata ki te whenua ngaro noa, tātai whetu ki te rangi mau tonu.~~

He tātai tangata ki te whenua ngaro noa, tātai whetu ki te rangi mau tonu. ara te whakatinahatanga o te whakatauki nei.

Na te pūkuriiri a Ngāi Māori, nā te *pūhaehae a Ngāi Pākehā ngā pakanga nei i tinata. Na Rawiri Puhirake te kōi 'ko te manawa rere kia ū!' hei akiaki ai i tona iwi ki ū ki te pakanga, kia ū

ki te whenua, "whatu ngarongaro te tangata, toiti te whenua", ka pakanga, ka pakanga, ka hinga, ka toa. Ao ana te rā he kohu, te kahu o te mate.

Maharatia rātou, hei aha te wikitoria.

He pukenga wai, he rakau, he pukenga tangata, he kōrero, ō iwi e tangi nei, e tangi nei.

Ahaka huri ki hea, e kore e kitea. Kua kore to reo, whakamahuru. Mā wai e kawe? ka

Enei mahinga toa a o tātou tupuna kua kōpanitia ki roto i ngā rā kōtahi, kei hea te mana o roto i tēra?, me pēhea te mahara ki ngā pakanga e rua mārama pea te roa i roto i te rā kōtahi?

Kaua e waiho te mana o ngā rakau kawa ki roto i te rā kōtahi, ki ngā haora 24, ki ngā meneti 10.4, 40. Ki te pēnei kei tua o kapenga kē mātou raru ai.

Whakanuia tā rātou maia ki ngā kura, ki ngā kainga, ki ngā kohanga, ki ngā whare wānanga.

Mei kore ake ko rātou, kiā pono mai, kua korekore rawa ko tātou.

Hei otinga iho. i fōku tuhituhi.

"Kaua e waiho hei harore rangitahi, kei harore noa."

TE WĀHANGA TUARUA: HE WHAKARONGO – HE KŌRERO

E RUA ngā tūmahi mō tēnei wāhanga.

TŪMAHI TUATORU: HE WHAKARONGO

He tautohetohe: *Te Kawa a Māui*

He tautohetohe te āhua. He whakarongo ki tētahi tautohetohe, me te tuhi hoki i ngā whakaaro matua, i ngā kiwaha me ngā whakataukī, whakatau-ā-kī rānei hei āwhina i a koe i roto i te Tūmahi Tuawhā.

TŪMAHI TUAWHĀ: HE KŌRERO:

- (a) He whakaputa kōrero whakarāpopoto i te tautohetohe.
- (e) He whakaputa kōrero e whakaae ana, e whakahē ana rānei i te kaupapa o te tautohetohe.
- (i) He whakamahi i tētahi kiwaha me ngā whakataukī, whakatau-ā-kī rānei e RUA.

TŪMAHI TUATORU: HE WHAKARONGO

He tautohetohe te āhua o tēnei mahi whakarongo.

Ngā tohutohu

1. Whakarongo ki te tautohetohe.
2. I a koe e whakarongo ana, whakarārangihia ngā kaupapa matua a ngā kaikōrero e RUA ki roto i te māhere whakaaro kua whakaritea.
3. Āta whakarongo hoki ki ngā kiwaha kei roto i te tautohetohe nei, ā, tīkina kia rua ngā kiwaha e mārama ana ki a koe.
4. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.
5. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira kia areare mai ō taringa, anei te kōrero.

Miro - Ngahere
Hone - moana tae atu

Mataatua / Taakitimu - tau utuutu
Mataatua / Tainui - Pōhewa

Mahere whakaaro – Te Kawa a Māui

TĀ TE KAI-
AROMATAWAI
MAHI ANAKE

<p>Taha whakaae – Hone</p> <p>Me tū te wahine ki te pae.</p>	<p>Taha whakahē – Miro</p> <p>Karekau tē rātou marae karekau he kawa</p> <p>Ngā kawa o te marae.</p>
------------------------------------------------------------------	------------------------------------------------------------------------------------------------------------------

<p>Ngā Kīwaha</p> <p>ekīekī kāre e tū atu i a koe tēratēra engari mo tona āna, kēi raro e pūtū ana. pūru whenuwhenu.</p>	<p>Ngā whakatauki/whakatau-ā-kī</p> <p>Kāre i kō atu, kāre e kō mai Tahi mai koe</p>
----------------------------------------------------------------------------------------------------------------------------------------------	----------------------------------------------------------------------------------------------

TŪMAHI TUAWHĀ: HE KŌRERO

Ngā tohutohu

1. Ko tāu mahi he whakarite kōrero whakaputa, e whakarāpopoto ana i te tautohetohe.
2. Whakapuakina ōu ake whakaaro e whakahē ana/e whakaae ana rānei i te kaupapa o te tautohetohe nei.
3. Whakamāramahia mai te tikanga o ngā kīwaha e RUA i rangona i te tautohetohe.
4. Kaua e roa ake i te 5 meneti mō tāu kōrero whakaputa.

Na reira, kia kaha mai te:

- whakapuaki whakaaro whānui
- whakaraupapa tika i ō whakaaro
- whakaniko mā te kīwaha, whakataukī, whakatau-ā-kī, rangahau
- whakatakoto tika, otirā whakahua tika i ō kupu.

Mā te kaiwhakahaere koe e hari ki tētahi atu rūma, hei whakamau i ō kōrero kāre e āhei te hari pepa ki roto i tēnei rūma.

Tukuna tō reo kia rere, tō reo kia tika, tō reo kia Māori.

Ka whakamau i āu kōrero:

- (a) Ka heria koe e te kaiwhakahaere o te whakamātautau ki te rūma hopu kōrero ki reira noho wahangū ai.
- (e) Kia 5 meneti te roa mō ngā whakaritenga e pā ana ki te mīhini hopu reo.
- (i) Mutu ana te whakamau i āu kōrero ki te mīhini hopu kōrero, me waitohu e koe te kopae hei whakaatu nōu te reo kei runga.
- (o) Kua oti ngā mahi katoa.

He whakaputa kōrero whakarāpopoto mō te tautohetohe.

"Tamaiti akona ki te kainga, tūnga ki te marae tau ana!"

Ka topa tōku ^{manu} ~~nga~~ ki te ^{rerenga} ~~pekanga~~ ~~nga~~ wairua, ki a koutou i te Nōta, papaki kau ana ngā pari ki a koutou o te waka o Tainui, te kaokaeroa o Patetere, whakatika atu ki roto ki te moana-a-toi, ka tīkokekoke ki ngā uri o Tamatekapua, o Ngātoroirangi kia koutou o Te Arawa, tae atu ki te maunga tapu o Taranaki, hoki kōmuri atu ki ngā uri o Mataatua waka, ki te tai rāwhiti, kia koutou ngā tamariki o te kohu kia koutou Ngai Tahu, ka hōkai ake kia Ngati Raukawa, Toa Rangitira, Rangitane tena koutou, pēka atu ki Te Waipounamu ^{tau ai} ~~tena koutou~~. I ngā rerenga o tōku manu kua kite i tētahi ritenga o roto i ngā iwi katoa, anō, ko te kawa o te marae. Kei tā ia iwi, i a rohe tā rātau ake kawa, ā rātau ake whakahaere. Ko te reo a te wahine ka rangona tuatahi ki runga i te marae, ā, me waiho kia pēna puta noa i te motu, ~~hei ake te~~ waiho ma te tāne ngā whaikōrero e wāha. Kei raru katoa, tētou i ngā tupuna, i ngā atua. Kei tua kō te tapu o te wahine, ki te Whaikōrero i a kei tapu tōna iwi. He mahi ta te tāne, he mahi ta te wahine. Mā whero, mā panga ka oti ai te mahi.

He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.

TĀ TE KAI-
AROMATAWAI
MAHI ANAKE

TAU PĀTAI

- Whakatauki. - Tanaiti ake - - -

- Tōku manu

- Nōta, Tainui, Moana-a-Toi, Te Arawa,
Taranaki, Mataatua, Ngati Raukawa, Toa,
Rangitane, Te Waipounamu

- Kawa

- Te Reo o te wahine, Te Reo o te
tāne

- Ngā whakahaerenga a i a rohe

- He tapu te wahine

- Whakatauki - Mā whero, mā pango
Kīwaha

- Kei raro e pūtu ana.

e.g. "Kei raro a Ahitereiria e pūtu ana"

- Ekieki

e.g. Ritenga: "Nā wai tāu?"

Ki te tū te wahine ki te whakōrero
"ekieki"

93003